

陽明學文獻叢書

貴陽學院陽明學與黔學研究院

陸永勝 編

（第十二冊）

社會科學文獻出版社

王陽明珍本文獻叢刊

明刻本

陽明學文獻叢書

貴陽學院陽明學與黔學研究院

陸永勝 編

【第十二冊】

王陽明珍本文獻叢刊

明刻本



社會科學文獻出版社

目錄

陽明先生文錄序·····	一
陽明先生文錄總目·····	一一
陽明先生文錄卷之一·····	一二九
陽明先生文錄卷之二·····	二一五
陽明先生文錄卷之三·····	三四七
陽明先生文錄卷之四·····	四四一
陽明先生文錄卷之五·····	五四五
陽明先生文錄卷之一 外集·····	五八一
陽明先生文錄卷之二 外集·····	六四七
陽明先生文錄卷之三 外集·····	六九五

陽明先生文錄卷之四	外集	七五五
陽明先生文錄卷之五	外集	八三七
陽明先生文錄卷之六	外集	九二五
陽明先生文錄卷之七	外集	九七一
陽明先生文錄卷之八	外集	一〇一九
陽明先生文錄卷之九	外集	一〇六九
陽明先生別錄卷之一		一一六三
陽明先生別錄卷之二		一二七一
陽明先生別錄卷之三		一三四五
陽明先生別錄卷之四		一四四七
陽明先生別錄卷之五		一五三五
陽明先生別錄卷之六		一六二三

陽明先生別錄卷之七·····	一七〇五
陽明先生別錄卷之八·····	一七九一
陽明先生別錄卷之九·····	一九〇三
陽明先生別錄卷之十·····	二〇二一

陽明先生文錄序



門人安成鄒守益謨

錢子德洪刻先師文錄于姑蘇自述其衷次之意以純于講學明道者為正錄曰明其志也以詩賦及酬應者為外集曰盡其全也以奏疏及文移為別錄曰究其施也於是先師之言粲然聚矣以守益與

聞諸言之教也、寓簡使序之、守益
拜手而言曰、知言誠未易哉、昔者
孔夫子之在春秋也、從遊者三千、
速肖者七十矣、而猶有莫我知之
嘆、嘆夫以言語求之、而眩其真也、
夫子既沒、門弟子欲以所事夫子
者、事有子夷、攷其取于有子、亦曰
甚矣、其言之似夫子也、則下學上

達之功其著且察者鮮矣推尊之
詞要亦足以及之賢於堯舜堯舜
未易賢也走獸之於麟飛鳥之於
鳳雖勉而企之其道無繇不幾于
絕德乎禮樂之等最為近之然猶
自聞見而求終不若秋陽江漢直
悟本體為簡易而切實也蓋在聖
門惟不遷怒不貳過之類語之而

陽明先生文錄

序

不憚其次則忠恕之曾足以任重
而道遠故再傳而以祖述憲章譬
諸天地四時三傳而以仕止久速
之時比諸大成比諸巧力宛然江
漢秋陽家法也秦漢以來專以訓
詁雜以佛老侈以詞章而皜皜
肫之學渚雜偏陂而莫或救之逮
千瀛洛始粹然克續其傳論聖之

可學則以一者無欲為要。答定性之功則以大公順應學天地聖人之常。嗟乎。是豈嘗試而懸斷之者乎。其後剖析愈精。考擬愈繁。著述愈富。而支離愈甚。間有覺其非而欲挽焉。則又未能盡追窠臼而洗濯之。至我陽明先師。慨然深探其統。歷艱履險。磨瑕去垢。獨揭良知。

力拯羣迷。犯天下之謗而不自恤也。有志之士。稍稍如夢而覺。沂瀛洛以達洙泗。非先師之功乎。以益之不類。再見于虔。再別于南昌。三至于會稽。竊窺先師之道。愈簡易。愈廣大。愈切實。愈高明。望望然而莫知其所以止也。當時有稱先師者曰。古之名世。或以文章。或以政事。

或以氣節或以勲烈而公克兼之
獨除却講學一節即全人矣先師
笑曰某願從事講學一節盡除却
四者亦無愧全人又有訾訕之者
先師曰古之狂者嚶嚶聖人而行
不揜世所謂敗闕也而聖門以列
中行之次忠信廉潔刺之無可刺
世所謂完全也而聖門以為德之

賊某願為狂以進取不願為愿以媚世嗚呼今之不知公者果疑其為狂乎其知公者果能盡除四者而信其為全人乎良知之明蒸民所同本自皞皞本自肫肫常寂常感常神常化常虛常直常太公常順應患在自私用智之欲所障始有所尚始有所倚不倚不尚本體

呈露宣之為文章。措之為政事。犯
顏敢諫。為氣節。誅亂討賊。為勲烈。
是四者皆一之流行也。學出于一。
則以言求心矣。學出于二。則以言
求言矣。守益力病。於二之而未瘳
也。故反覆以質于吾黨。吾黨欲求
知言之要。其惟自致其良知乎。嘉
靖丙申春三月。

陽明先生文錄

序

王

陽明先生文錄總目

刻文錄敘說

德洪曰嘉靖丁亥四月時鄒謙之謫廣德以所錄先生文稿請刻先生止之曰不可吾黨學問幸得頭腦湏鞭辟近裏務求實得一切繁文靡好俾之眩人耳目不錄可也謙之復請不已先生乃取近稿三之一標揭年月命德洪編次復遺書曰所錄以年月爲次不復分別體類者蓋專以講學明道爲事不在文辭體製問也明日德洪掇拾所遺復請刻先生曰此愛惜文辭之心也昔者孔子刪述

六經若以文辭爲心，如唐虞三代，自典謨而下，豈止數篇，正惟一以明道爲志，故所述可以垂教萬世。吾黨志在明道，復以愛惜文字爲心，便不可入堯舜之道矣。德洪復請不已，乃許數篇次爲附錄，以遺謙之。今之廣德板是也。

先生讀文錄謂學者曰：此編以年月爲次，使後世學者知吾所學前後進詣不同。又曰：某此意思，賴諸賢信而不疑，湏口口相傳，廣布同志，庶幾不墜。若筆之於書，乃是異日事，必不得已，然後爲此耳。又曰：講學湏得與人人面授，然後得其所疑，時其淺